

Inatsisissatut siunnersuummut nassuiaatit

Nalinginnaasumik nassuiaatit

1. Aallaqqaasiut

2015-imi upernaakkut ataatsimiinnermi aalajangiiffigisassatut siunnersuummut (UPA 2015/41) allanguutissatut siunnersuut Inatsisartut akueraat. Allanguutissatut siunnersuutikkut Naalackersuisut peqquneqarput kingusinnerpaamik UPA 2016-imut Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit inatsisartut inatsisaata allangortinneqarnissaanik siunnersuuteqaqqullugit, taamaaliornikkut Inatsisartunut ilaasortat ullormit qinigaaffianniit aallartittumik aatsaat aningaasarsiaqartinneqartussanngorlugit, taamatullu aamma Naalackersuisunut ilaasortat aatsaat ullormiit Naalackersuisunut ivertinneqarfimminiit aningaasarsiaqartinneqartussanngorlugit.

Inatsisissatut siunnersuutikkut matumuuna Inatsisartut aalajangiinerat timitalerneqarpoq.

Inatsisartut aalajangernerannut tunuliaqutaasut eqqarsaatigalugit aalajangiiffigisassatut siunnersuut (UPA 2015/41) kiisalu Suleriaatsimut Ataatsimiititaliap tamanna pillugu isumaliutissiissutaa innersuussutigineqarput.

Siunnersuut Naalackersuisunit Inatsisartut Siulittaasoqarfiat peqatigalugu saqqummiunneqarpoq.

2. Siunnersuummi immikkoortut pingaarnerit

Malittarisassat atuuttut (Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit inatsisartut inatsisaanni § 2, imm. 1, oqaaseqatigiit siulliit aappaallu) malillugit Inatsisartunut ilaasorta q aningaasarsiaqartinneqartarpoq aningaasartuutiminullu tapisiaqartinneqartarluni qaammatip pineqartup qinigaanerata akuerineqarfiata aallaqqaataaniit. Ilaasortap allap toquneratigut inaarutaasumilluunniit Inatsisartunit tunuarneratigut ilaasortanngortoqarsimappat, pineqartoq aningaasarsiaqartinneqalertarpoq qaammatip toquffiusup inaarutasumilluunniit ilaasortaajunnaarfiusup aallaqqaataaniit.

Inatsisissatut siunnersuutikkut piffissap aningaasarsiaqarsinnaatitaaffiup aallartittarnera allangortinneqassaaq. Taamaalilluni siunnersuutigineqarpoq Inatsisartunut ilaasorta q ullormit qinersivimmiit aningaasarsiaqartinneqarlunilu aningaasartuutinut tapisiaqartinneqalissasoq, taamatullu aamma ilaasorta q ilaasortap allap toqunera Inatsisartunilluunniit inaarutaasumik ilaasortaajunnaarnera pissutigalugit ilaasortaalersoq ullormit ilaasortanngorfimminiit aningaasarsiaqartinneqalissasoq.

Malittarisassat atuuttut (Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit inatsisartut inatsisaanni § 6, imm. 4, oqaaseqatigiit siulliit) malillugit Inatsisartut siulittaasuat, Naalakkersuisut siulittaasuat Naalakkersuisunullu ilaasortat qaammatip qinigaaffimmik aallaqqaataaniit aningaasarsiaqartinneqalertarput.

Inatsisissatut siunnersuutikkut piffissap aningaasarsiaqarfiusup aallartittarnera allangortinneqassaaq. Taamaalilluni siunnersuutigineqarpoq Inatsisartut siulittaasuat, Naalakkersuisut siulittaasuat Naalakkersuisunullu ilaasortat ullormiit atuuffissaminut iverinneqarnermiit aningaasarsiaqartinneqartalissasut.

Inatsisissatut siunnersuut inatsimmut atuuttumut sanilliullugu	
Oqaasertaliinerit atuuttut	Inatsisissatut siunnersuut
	<p>§ 1</p> <p>Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaanni nr. 22, ulloq 18. december 2003-meersumi, ilaatigut inatsisartut inatsisaatigut nr. 2, ulloq 15. april 2011-meersukku kingullermillu inatsisartut inatsisaatigut nr. 3, 3. juni 2015-imeersukku allangortinneqartumi, makku allangortinneqassapput:</p>
<p>§ 2, imm. 1, oqaaseqatigiit siulliit aappaallu:</p> <p>Inatsisartuni ilaasortaq qaammammi siullermi ullormi taassuma aallaqqaataani qinigaanerup akuersissutigineqarfianit aningaasarsiaqartinneqalerlunilu aningaasartuuteqarnermut tapisiaqartinneqalissaaq. Ilaasortap allap toqunera Inatsisartuniluunniit ilaasortatut tunuavinnera pissutigalugu ilaasortaq atuutilersimappat, qaammatip toquffiup ilaasortatulluunniit tunuaviffiup aallaqqaataanit</p>	<p>1. § 2, imm. 1, oqaaseqatigiit siulliit aappaallu, ima oqaasertaqassapput:</p> <p>”Inatsisartunut ilaasortaq ullormit qinerneqarfimminiit aningaasarsiaqartinneqalerlunilu aningaasartuuteqarnermut tapisiaqartinneqalissaaq. Ilaasortap allap toqunera Inatsisartunulluunniit ilaasortatut tunuavinnera pissutigalugu ilaasortaq atuutilersimappat, ullormiit atuutilerfimiit aatsaat aningaasarsiaqartitsisoqalissaaq.”</p>

anigaasarsiaqartitsisoqalissaaq.	
§ 6, imm. 4, oqaaseqatigiit siulliit: Inatsisartut siulittaasuat, Naalakkersuisut siulittaasuat Naalakkersuisunullu ilaasortat qaammatip qinigaaffiup aallaqqaataanit qaammatip taamatut atuukkunnaarfiup naanissaata tungaanut aningaasarsiaqartinneqassapput.	2. § 6, imm. 4, oqaaseqatigiit siulliit, ima oqaasertaqassapput: ”Inatsisartut siulittaasuat, Naalakkersuisut siulittaasuat Naalakkersuisunullu ilaasortat ullormit atuutilerfimminniit qaammatip taamatut atuukkunnaarfiup naanissaata tungaanut aningaasarsiaqartinneqassapput.”
	§ 2 Inatsisartut inatsisaat ulloq 1. juli 2016 atuutilissaaq.

3. Pisortanut allaffissornikkut aningaasatigullu kingunerisassai

Siunnersuut Nunatta Karsianut sipaaruteqarnermik kinguneqarsinnaavoq. Siunissami Inatsisartunut Naalakkersuisunullu qinersinerit qaqugukkut pisarnissaat, taamatullu aamma ilaasortat nutaat qassit Inatsisartunut Naalakkersuisunullu ilaasortanngussanersut, sipaaruteqarnerup annertussusissaanut aalajangiisuussapput..

Kingullermik Inatsisartunut qinersisoqarpoq ulloq 28. november 2014. Tamatumunnga sanilliullugu siunnersuut Inatsisartunut ilaasortanut nutaanut aningaasarsiat eqqarsaatigalugit 350.000 kr.-it missaannik sipaartoqarneranik kinguneqarsimassagaluarpoq.

Inatsisartunut kingullermik qinersinerup kingorna Inatsisartut Siulittaasussaannik, Naalakkersuisut Siulittaasussaannik Naalakkersuisunullu ilaasortassanik qinersisoqarpoq. Tamanna ulloq 12. december 2014 pivoq. Tamatumunnga sanilliullugu siunnersuut aningaasarsiat eqqarsaatigalugit 120.000 kr.-it missaannik sipaartoqarneranik kinguneqarsimassagaluarpoq.

Taamaalilluni siunnersuut ataatsimut isigalugu 470.000 kr.-it missaannik sipaaruteqarnermik kinguneqarsimassagaluarpoq.

Pisulli ilaanni siunnersuut Nunatta Karsiata aningaasartuutaasa (annikitsumik) amerlanerulernerannik kinguneqarsinnaavoq. Tamatumani pineqarpoq qaammatip naanerani qinersisoqarpat qinigaanerlu qaammatip tulliaata aallartinnerani aatsaat akuerineqarpat. Tamatumunnga pissutaavoq malittarisassat ullumikkut atuuttut malillugit Inatsisartunut ilaasortat

piffissaq aningaasarsiaqarfigisaat, qaammammi siullermi ullormi taassuma aallaqqaataani *qinigaanerup akuersissutigineqarfianit* aallartittarmat, inatsisissatulli siunnersuut malillugu *ullormit qinerneqarfimminiit* aallartittalissalluni.

Siunnersuutip allaffissornikkut annerusumik kinguneqarnissaa naatsorsuutigineqanngilaq.

4. Inuussutissarsiornermut allaffissornikkut aningaasatigullu kingunerisassai

Siunnersuutip inuussutissarsiornermut allaffissornikkut aningaasatigulluunniit kinguneqarnissaa naatsorsuutigineqanngilaq.

5. Avatangiisinut pinngortitamullu kingunerisassai

Siunnersuutip avatangiisinut pinngortitamulluunniit kinguneqarnissaa naatsorsuutigineqanngilaq.

6. Innuttaasunut kingunerisassai

Siunnersuutip Inatsisartunut nutaamik qinigaasut kiisalu Inatsisartut siulittaasuattut nutaatut, Naalakkersuisut siulittaasuattut nutaatut Naalakkersuisunullu ilaasortatut nutaatut qinigaasut saniatigut allanut sunniuteqarnissaa naatsorsuutigineqanngilaq.

7. Kingunerisassai allat pingaarutillit

Siunnersuutip pingaarutilinnik allanik kinguneqarnissaa naatsorsuutigineqanngilaq.

8. Oqartussanik suliniaqatigiiffinnillu tusarniaaneq

Inatsisissatut siunnersuut tusarniaatigineqarsimanngilaq. Tamatumunnga pissutaavoq siunnersuut taamaallaat Inatsisartunut Naalakkersuisunullu ilaasortanut kinguneqartussaamat, taamatullu aamma Inatsisartuni partiit UPA 2015/41-p oqaluuserineqarneranut atatillugu inatsisissatut siunnersuutip siunertaata isummerfiginissaanut periarfissaqareersimammata.

Aalajangersakkanut ataasiakkaanut nassuiaatit

§ 1-imut

Nr. 1-imut (§ 2, imm. 1, oqaaseqatigiit siulliit aappaallu)

Siunnersuutigineqarpoq Inatsisartunut ilaasorta qullormit qinerneqarfimminiit aningaasarsiaqartinneqalerlunilu aningaasartuutitut tapisiaqartinneqalissasoq, taamatullu aamma ilaasorta, ilaasortap allap toqunera inaarutaasumilluunniit Inatsisartunit tunuarnera pissutigalugit ilaasortanngortoq ullormit ilaasortanngorfimminiit aningaasarsiaqartinneqalissasoq.

Aalajangersakkakkut malittarisassiuunneqarpoq aningaasarsiassanik katersineq qaqugukkut aallartittassanersoq, qaquguli siullermik aningaasarsisitsisoqassanersoq malittarisassiuunneqarani.

Inatsisartut katersuuteqqaarnerata kingorna qaammatit nikinneranni siullermi nalinginnaasumik siullermik aningaasarsisitsisoqartarpoq. Inatsimmik allannqortitsinikkut tamanna allannqortinniarneqanngilaq.

Inatsisartunut ilaasortatut aningaasarsiaqartinneqarsinnaassagaanni Inatsisartunut ilaasortaanissaq piumasqaataavoq. Taamaalilluni pineqartoq naammattunik qinerneqarsimaannarani, aamma qinigaasinnaassuseqartariaqarpoq.

Inatsisartunut qinersisarneq pillugu inatsisartut inatsisaanni (inatsisartut inatsisaat nr. 9, ulloq 31. oktober 1996-imeersoq, allannqortinneqartoq inatsisartut inatsisaatigut nr. 10, ulloq 30. oktober 1998-meersukkut aamma inatsisartut inatsisaatigut nr. 21, ulloq 3. december 2012-imeersukkut) § 4, imm. 1-imi aalajangersarneqarpoq kinaluunniit Inatsisartunut qinersinermi qinersisinnaatitaasoq aamma qinigaasinnaatitaasoq, pineqartoq inaarutaasumik eqqartuussissutikkut akiliisitaanissamilluunniit akuersinikkut pinerluttulerinermi inatsisit naapertorlugit nalinginnaasumik isigineqarnermini Inatsisartunut ilaasortaa sinnaasutut ataqqinassusiagaatigisaminik pineqaatissinneqarsimangippat. Kinaluunniilli pinerluttulerinermi inatsisit naapertorlugit pineqaatissinneqarsimaneq pissutigalugu qinigaasinnaannginneq uparuarneqassagaluarpuunniit tamatigut qinigassanngortissinnaavoq.

Inatsisartut Naalakkersuisullu pillugit Inatsisartut inatsisaanni (Inatsisartut inatsisaat nr. 26, ulloq 18. november 2010-meersoq, allannqortinneqartoq Inatsisartut inatsisaatigut nr. 12, ulloq 29. november 2013-imeersukkut) § 3-mi aalajangersarneqarpoq ilaasortat qinigaasinnaassusiat Inatsisartut namminneq aalajangertassagaat, tassunga ilanngullugu ilaasortap qinigaasinnaanermanik annaasaqarsimaneranik apeqqut. Apeqqut tamanna Inatsisartunit aalajangiivigineqartarpoq Inatsisartut Suleriaasianni § 1, imm. 2-3 naapertorlugu Qinigaanerup misilinneqarnissaanut ataatsimiititaliaagallartup inassuteqaatai tunngavigalugit.

Taamaalilluni ilaasortat qinigaasinnaassusiannik apeqqut aatsaat aalajangiivigineqartarpoq Inatsisartut katersuukkaangata, tamannalu nalinginnaasumik pisarluni qinersinerup kingorna sapaatit akunneri marlussuit qaangiukkaangata.

Aningaasarsiaqartitsineq pillugu inatsimmi § 2, imm. 1, oqaaseqatigiit siulliit, malillugit aningaasarsiaqarsinnaatitaaneq aatsaat aallartittarpoq ilaasortap pineqartup qinigaasinnaassusia, ullormit qinersivimmiit atuutilersumik, Inatsisartunit akuerineqareerpat. Taamaalilluni pineqartoq qinigaasinnaanera akuerineqanngitsoq piffissamut ullormit qinersivimmiit qinigaasinnaanerup Inatsisartunit aalajangiivigineqarnissaata tungaanut aningaasarsiaqartinneqarnissaminik piumasqaateqarsinnaanngilaq.

Nr. 2-mut (§ 6, imm. 4, oqaaseqatigiit siulliit)

Inatsisartut siulittaasuat, Naalackersuisut siulittaasuat Naalackersuisunullu ilaasortat ullormit atuuffissaminnut ivertinneqarnerminniit aningaasarsiaqartinneqartalissasut siunnersuutigineqarpoq.

Aalajangersakkakut malittarisassiuunneqarpoq aningaasarsiassanik katersineq qaqugukkut aallartittassanersoq, qaquguli siullermik aningaasarsisitsisoqassanersoq malittarisassiuunneqarani.

§ 2-mut

Allannguutissatut siunnersuutip 1. juli 2016 atuutilernissaa siunnersuutigineqarpoq.